

عيد الخيم

1 بعد هدا، كان يسوع يمشي فالجليل خاطر ما حبش يبقا فاليهودية، على جال اللي اليهود كانوا يحوسو يقتلوه. 2 كان عيد الخيم، عيد اليهود قريب. 3 همالا قالولو خاوتو: "بعد من هنا وروح لليهودية باش التلاميذ تعك تاني يشوفو عمالك اللي تديرهم، 4 خاطر واحد ما يخدم بالثخبية ولا حب يبان. ولا تدير هاد الحاجات، بين روحك للناس" 5 خاطر حتى خاوتو وخواتاتو ما كانوا يامنو بيه. 6 همالا قاللهم يسوع: "ما زال ما راهوش وقتي، بصح وقتكم دايمًا واجد، 7 الدنيا ما تقدرش تكررهم، بصح أنا تكررهم خاطر نشهد عليها باللي عمالها دونيين. 8 انتم، روحو أحضرو العيد، أنا ما نروحش لهاد العيد، خاطر ما وصلش وقتي" 9 بعد ما قال هكذا بقا فالجليل. 10 كي طلعو خاوتو للعيد، داك الوقت هو تاني طلع ماشي عيناني، كي اللي بالثخبية. 11 كانوا اليهود يحوسو عليه فالعيد ويقولو: "وين راهو هداك؟" 12 وكان الغاشي يدمم عليه بزاف. كايين اللي كانوا يقولو: "هو مليح"، واحدوخرين كانوا يقولو: "لا، راهو يضيع فالغاشي" 13 واحد ما كان يهدر عليه عيناني مالخوف ماليهود. 14 في نص العيد، طلع يسوع للمعبد وبدا يدرس. 15 سنغربو اليهود وقالو: "كيفاش هدا يعرف الكتب وهو ما قرأش؟" 16 جاوبهم يسوع وقال: "التعليم تعي ماشي من عندي، مالي بعنتي، 17 ولا واحد حب يدير مرادو، يعرف من هاد التعليم ولا من عند الله ولا راني تهدر من عندي. 18 اللي يهدر من عندي، يحوس عالمجد تعو، بصح اللي يحوس عالمجد تع اللي بعنتو، هداك حقاني وما فيهش الذغل. 19 ماشي موسى عطالكم الشريعة؟ وواحد فيكم ما راهو يطبق فالشريعة، غلاش راكم تحوسو تقتلونني؟" 20 واجبو الغاشي: "فيك شيطان، شكون يحوس يقتلك؟" 21 واجب يسوع وقاللهم: "درت خدمة واحدة وكامل راكم داهشين، 22 على جال اللي موسى عطالكم الختانة، والو ما جاتش من موسى، خاطر جات مالجدود، تختنو راجل بالسبت، 23 ولا كان راجل يتختن فالسبت باش ما تخالفوش شريعة موسى، غلاش زعفتو علي كي شفيت انسان بكمالو في يوم سبت؟ 24 ما تحكموش على حساب الوجوه، احكمو بالحق."

هداك، هداك هو المسيح

25 كانوا شي ناس من أورشليم يقولو: "ماشي هدا اللي راهم يحوسو يقتلوه؟" 26
هاوليك يهدر عيناني وما قالولو والو، يكونو الرياس ستعرفو باللي صح هو المسيح؟ 27
هدا نعرفو منينو، بصح المسيح كي يجي واحد ما يعرف منين هو". 28 عيط يسوع وهو
يدرس فالمعبد وقال: "وأنا تعرفوني وتعرفو منين أنا، أنا ما جيتش من عندي، بصح اللي
بعنتي حقاني، وأنتوم ما تعرفوهش، 29 أنا نعرفو، خاطر أنا من عندو، وهو اللي
بعنتي". 30 كانوا يحوسو يحكموه، بصح واحد ما رما يدو عليه خاطر كانت مازال ما
وصلتش ساعتو. 31 بزاف مالغاشي اللي آمنو بيه وكانو يقولو: "المسيح كي يجي، رايح
يدير مرات كثر مالي دارهم هدا؟" 32 سمعو الفرسيين الغاشي يدمم هكذا عليه، وبعنو
رياس رجال الدين والفرسيين خدامين باش يحكموه. 33 قال يسوع: "مازالي وقت
قصير معاكم ونروح لي بعنتي، 34 تحوسو علي وما تلقاونيش، ووين تكون ما
تقدروش ثجيو". 35 قالو اليهود بيناتهم: "وين راهو رايح يروح هدا وين ما تقدروش
تلقاوه؟ ما يكونش رايح يروح عند اللي راهم مزربعين عند اليونانيين ويدرس عندهم؟
36 واش هاد الكلام اللي قال، تحوسو علي وما تلقاونيش، ووين تكون أنتوم ما تقدروش
ثجيو؟" 37 فاليوم الأخر، اليوم الكبير نع العيد، وقف يسوع وعيط وقال: "ولا واحد
راهو عطشان، غير يجي لي ويشرب، 38 اللي يامن بي، كيما يقول الكتاب، يفيضو من
صدرو ويدان نع الما الحي" 39 قال هاد الشئ عالروح اللي كانو رايحين ينالوه اللي
يامنو بيه، خاطر الروح كان مازال ما أعطاش، على جال اللي يسوع كان مازال ما
دخلش فالمجد نعو. 40 كايين مالغاشي اللي سمعو هاد الكلام وقالو: "صح هدا هو النبي"
41 وواحدوخرين قالو: "هدا المسيح". واحدوخرين قالو: "علاش، المسيح يجي مالجليل؟
42 ماشي الكتاب يقول باللي من درية داود، من دشرة بيت لحم، منين كان داود، اللي
يجي المسيح؟" 43 ونقسمو الغاشي بسبابو. 44 كايين منهم اللي حبو يحكموه، بصح واحد
ما رما يديه عليه. 45 راحو الخدامين لرياس رجال الدين والفرسيين وقالولهم: "وعلاش
ما جبتهوهش؟" 46 واجبو العساسين: "عمرو ما بنادم هدر هكذا" 47 واجبوهم
الفرسيين: "أنتوم تاني نخدعتو؟" 48 كايين واحد مالحكام ولا مالفرسيين اللي آمن بيه؟
49 بصح هداك الغاشي اللي ما يعرفش الشريعة منعولين" 50 قاللهم نيقوديموس اللي
راح عند يسوع من قبل وكان واحد منهم، 51 "الشريعة تعنا تحكم على بنادم قبل ما

تَسْمَعُو وَتَعْرِفْ وَاشْ دَار؟" 52 وَاَجِبُو وَقَالُوا: "أَنْتَ تَانِي مَالِجَلِيل؟ حَوَّسْ وَشَوْفْ
بَالِي مَا مَالِجَلِيل يَخْرُجْشْ نَبِي" 53 وَكُلْ وَاحِدْ رَاحْ لِدَارُو.